

Bosna i Hercegovina  
Federacija Bosne i Hercegovine  
Tuzlanski kanton  
Općina Teočak  
**Općinska izborna komisija**  
Broj:01/3-20/26  
Teočak, 21.05.2026.godine

Na osnovu člana 2.13. Izbornog zakona BiH („Službeni glasnik Bosne i Hercegovine“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) i člana 18. Pravilnika o formi, sadržaju, upotrebi i izradi izvoda iz Centralnog biračkog spiska („Službeni glasnik Bosne i Hercegovine“, broj: 32/26), Općinska izborna komisija Teočak, na sjednici održanoj 21.05.2026.godine, donijela je

### **PLAN izlaganja Izvoda iz Privremenog biračkog spiska**

Općinska izborna komisija je u skladu sa članom 18. Pravilnika o formi, sadržaju, upotrebi i izradi izvoda iz Centralnog biračkog spiska sačinila Plan izlaganja Izvoda iz Privremenog biračkog spiska, a isti obuhvata način obavještanja javnosti o trajanju izlaganja Izvoda iz privremenog biračkog spiska, mjesta na kojima će Izvod iz privremenog biračkog spiska biti izložen, odnosno dostupan, kao i način obavještanja raseljenih lica o eventualnoj promjeni biračke opcije.

Općinska izborna komisija, putem Plana izlaganja Izvoda iz Privremenog biračkog spiska, kao obavezne aktivnosti u organizaciji Općih izbora 2026.godine, osigurava svim zainteresovanim osobama uvid s ciljem provjere upisanih podataka, te korištenja mogućnosti za ispravku uočenih nepravilnosti kod nadležnog organa.

Izvod iz Privremenog biračkog spiska za izbornu jedinicu 055A Teočak bit će izložen na uvid javnosti u trajanju od **30 (trideset) dana**, odnosno u periodu od **06.06. do 06.07.2026.godine**.

Izvod iz Privremenog biračkog spiska pojedinačno za svaku MZ će biti dostupan građanima u Centru za birački spisak općine Teočak i u sjedištu Općinske izborne komisije Teočak.

Privremeni izvod iz Centralnog biračkog spiska za odgovarajuću mjesnu zajednicu može se dostaviti u štampanoj ili elektronskoj formi predsjednicima mjesnih zajednica, a koji su dužni omogućiti građanima uvid u dostavljeni spisak u prostorijama mjesne zajednice u periodu izlaganja.

Uvid u Izvod iz Privremenog biračkog spiska može se izvršiti svakim radnim danom od 08:00 do 16:00 sati u Centru za birački spisak općine Teočak.

Općinska izborna komisija će u skladu sa članom 17. Pravilnika o formi, sadržaju, upotrebi i izradi izvoda iz Centralnog biračkog spiska obavijestiti javnost o trajanju izlaganja Privremenog izvoda iz Centralnog biračkog spiska i mjestima na kojima će biti izložen putem medija Radio „Glas Drina“ Sapna i web stranice Općine Teočak.

Građani će biti obaviješteni da ispravku nepravilnosti u Izvodu, vezano za lične podatke, mogu tražiti od organa nadležnog za izmjenu ličnih podataka, a da upute za otklanjanje nepravilnosti vezano za raspored na biračko mjesto mogu tražiti od Općinske izborne komisije.

Ukoliko građani prilikom uvida u Privremeni izvod iz Centralnog biračkog spiska uoče da su u izvodu upisana umrla lica, o tome trebaju da obavijeste Općinsku izbornu komisiju s ciljem preduzimanja aktivnosti prema nadležnim organima za brisanje istih iz izvoda.

Raseljena lica, koja imaju biračko pravo, obavijestit će se putem oglasne ploče u zgradi općine Teočak, da se Izvod iz privremenog Centralnog biračkog spiska nalazi u Centru za birački spisak, kako bi mogli provjeriti i izvršiti eventualnu ispravku ili dopunu svojih podataka kod nadležnog organa i opredijeliti se za biračku opciju (općina, odnosno mjesto glasanja i način glasanja- lično ili u odsustvu).

Navedena lica, će se također upoznati da zahtjev za određivanje ili eventualnu promjenu biračke opcije, podnose lično na PBO-1 obrascu, najkasnije 75 dana prije dana održavanja izbora, dakle do 21.07.2026.godine do 24:00 sata, Centralnoj izbornoj komisiji BiH putem Centra za birački spisak, u općini u kojoj imaju prijavljeno prebivalište ili boravište raseljenog lica u skladu sa Zakonom, odnosno prema evidenciji nadležnog organa, uz obavezu prilaganja kopije jednog od važećih identifikacionih dokumenata i po mogućnosti rješenja o priznavanju statusa raseljenog lica ili broja zahtjeva za priznavanje statusa raseljenog lica evidentiranog kod nadležnog organa.

Općinska izborna komisija Teočak će izlaganjem izvoda iz Privremenog biračkog spiska na naprijed navedeni način i naprijed navedenom vremenskom periodu osigurati mogućnost svim biračima da mogu provjeriti, izvršiti ispravku ili dopunu svojih podataka kod nadležnog organa i opredijeliti se za eventualnu biračku opciju.

**Dostavljeno:**

- Centralna izborna komisija BiH,
- Centar za birački spisak,
- Oglasna ploča općine Teočak,
- Evidencija,
- a/a.



**Predsjednica OIK-a Teočak**

**Bilalić Ramiza**